



BRENNER (Euseb. Wilhelm.)

c

coll. opt. G.

8<sup>vo</sup> 54, (2 blank) pp.

Glasgow  
University Library



Sp. Coll.  
1824

DISSERTATIO  
INAUGURALIS OBSTETRICIO - MEDICA.

---

DE  
FALLACIA SIGNORUM  
IN  
GRAVIDITATE.

---

QUAM  
SUB AUSPICIIS  
SEREN. AC POTENT. PRINC. AC DOMINI  
DOMINI  
GUILIELMI IX.  
HASSIAE LANDGRAVII RELIQUA  
NCLYTI MEDICORUM ORDINIS  
CONSENSU  
PRO  
GRADU DOCTORIS  
SUMMISQUE IN ARTE MEDICA HONORIBUS  
RITE AC LEGITIME CAPESSENDIS  
ERUDITORUM DISQUISITIONI  
publice submittit  
ERNESTUS GUILLIELMUS BRENNER,  
Yfenburgico Büdingensis.

---

D. SEPT. 15. 1860.

---

Marburgi Cattorum  
typis novae typograph. academ.

— — *Laus magna tibi tribuetur in uno  
Corpore servato restituisse duos.*

TIBULLUS Lib. IV.

VII Ex. 77  
/ 2

A0514/1  
GLASGOW

V I R O

ILLUSTRI, CELEBERRIMO

ERNESTO GODOFREDO  
BALDINGER,

PHILOSOPH. ET MEDIC. DOCTORI

SERENISS. HASS. LANDGRAV. CONSIL. INTIM.

ARCHIATRO FACULTAT. MED. MARB.

PROFESS. PRIMAR.

PRAECEPTORI SUO OMNI PIETATIS

STUDIO PROSEQUENDO

HASCE STUDIORUM PRIMITIAS,  
ANIMI DEVINCTISSIMI TESTIMONIUM,

SUBMISSE CONSECRAT

SE SUAQUE OMNIA EA, QUA PAR EST,

REVERENTIA

commendat

T A N T O N O M I N I

addictissimus

Auctor.

---

## THESES.

---

1.

*Artis obstetriciae basis consistit, in distincta cognitione pelvis, relationis foetus ad pelvim, in exploratione obstetricia, et in aptis ad foetum extricandum encheiresisibus.*

2.

*Nullum certum conceptionis signum dari potest, et nulla primis temporibus indubitata graviditatis Diagnofis.*

3.

*Instrumenta in arte obstetricia, quo simpliciora, eo meliora.*

4.

## 4.

*Brachium forcipis Leuret vices vestigis Roonbuys optime supplet.*

## 5.

*Adstringentia interne exhibita, in haemorrhagia uteri vix quidquam praestant.*

## 6.

*Synchondrotomia a quibusdam neotericis laudata, non tanti usus est, uti eius fautores autumant. In pelvi à naturali dimensione aberrante fere semper vitium in diametro coniugata occurrit, haec autem ossibus pelvis et summa vi deductis, vix tres lineas increfcit, quod obstaculum longe facilius et tutius forcipe aufertur. Si angustior coniugata, sectio symphysis*

*non*



*non sufficit, sed caesarea insituenda. Unicus solummodo datur casus, in quo admit-  
tenda, id est, si caput inter protuberantias  
ossium Ischii ita inclavatum, ut ne forceps  
quidem ob hanc angustiam applicari possit.*

## 7.

*Doctrina Levret et Saxtorph, faciem foetus  
in introitu pelvis os sacrum respicere fal-  
sa. Lateralis est capitis positio in ora  
pelvis superiore, et variat hic situs pro  
varia regione pelvis, quam in partu per-  
meat, ita ut semper maiores diametri ca-  
pitis maximis pelvis, minores vero, mi-  
nimis eiusdem Cavi respondeant.*

## 8.

*Vix ullum datur certum signum partus prae-  
gressi post aliquot septimanas elapsas; nec  
ruptum*

---

*ruptum frenulum, nec os uteri molle et  
hians, nec cicatrices in margine orificii  
uteri sufficiunt.*

9.

*Judex criminalis et jurisconsultus necessario  
medicinae forensis cognitionem, haud me-  
diocrem, habere debent.*

10.

*Quia signa foetus mortui, si utero adhuc in-  
clusus est, quoad maximam partem  
ambigua sunt, ideo cautissime cum em-  
bryotomia mercandum.*

11.

*Signa amissae virginitatis omnia sunt fallacia.*

12.

*Non omne ferrum ad usum medicum conducit.*

---

---

§. 1.

Corporis animalis vires determinata naturali gaudent proportione; tempora quorum intervallo vires effectum edunt, non nisi experientia, fido duce computanda sunt, ex qua patet naturali ac frequentiori casu vterum humanum per quadraginta septimanas gradatim, crescente ovo extendi, tunc vero foetum in lucem edi.

§. 2.

Solummodo regulae exceptiones fiunt. Peculiari ac à naturali statu abhorrente corporis ac vitae generis constitutione e. e. feminam vehemens quarto graviditatis mense invadit terror,

ror, quo fit, ut abortum procreet, iterum gravida fit mulier, eodem verum mense symptomata apparent, abortum protendentia, ac remediis aptis omiſſis ſecunda vice abortitur. Mulier et tertia vice impraegnatur, abortusque hac mense iterum ſequitur.

### §. 3.

Quamvis vero terminus partus naturalis certiffime in quadrageſimam cadit ſeptimanam, ſaepeius tamen fieri non poteſt, ut accurate ſeptimanam, diem, vel horam instantis partus determines, quippe quae fit relatio virium, cauſam exceptionis continentium erga naturales, et quo gradu hae minutae, impeditae et auctae ſint, haud facile diiudicaveris.

### §. 4.

## §. 4.

Ob has virium diversas modificationes in graviditate agentes, quarum accurate modus constitui nequit, multis in casibus, quid ad uterum propensius sit, diudicari debet.

## §. 5.

Nullum graviditatis symptoma, nulla mutatio, quae sub ipsam graviditatem in aliqua corporis parte fit, eodem temporis spatio contingunt in omnibus mulierculis multum quoad corporis dispositionem ac morum discrepantiam diversis, sed maturius, seriusve; sequitur itaque, argumenta, quorum vi tempus determinari possit, tantummodo esse verisimilia.

## §. 7.

## §. 6.

Quodcumque latum de temporis Memento, quo partus eventurus est, iudicium, ex supra memoratis argumentis ad summum verosimillimum; valet id: quo propius vteri gravidæ mutationes naturæ accedant et observentur, eo certius terminum partus determinari posse, et sic vice versa.

## §. 7.

Optima, qua optime ad verisimilitudinis gradum summum pervenire possis, methodus, ea est, ut singula gravidæ signa eorumque vires, ex parte experientiae, ex parte vero rationis ope, computes, deinde singulorum signorum, quae computasti, addas resultata, tum demum signorum numerum arithmetico divides modo. His rite peractis

peractis numerus proportionis medius invenitur, ex quo verosimillime partus eventuri tibi constabit tempus.

### §. 8.

Femina, quae concepit, novem menses vterum gerere solet, post quos partu onus deponit. Cl. STEIN *a)* tempus quadraginta hebdomadam esse, refert. De hoc maiori mino-  
rive sentiendum quid sit, infra adhuc recensetur. Nosse autem interest, quatenam gestationis signa sint, et si graviditas extra dubium posita, quaeritur quantum temporis aestimari debeat, ex quo gestari coepit femina.

### §. 9.

---

*a)* vid. ej. *theoret. Anleitung zur Geburtshilfe*  
§. 200 - 201.

## §. 9.

Signa graviditatis alia sunt *probabilia*, alia *certa*. Probabilia, rationalia, incerta, communia, non semper haec adsunt, nec praesentia post coitum, indubitandam graviditatem denotant *b*).

## §. 10.

- b*) J. C. HARRES praef. KALTSCHMIDT diff. de signis graviditatis certis. Jenae 1752. J. F. G. DIETZ resp. ROEDERER diff. de temporum in graviditate et partu aestimatione. Goett. 1757. ROEDERER elementa artis obsetet. §. 136. seq. G. W. STEIN diff. de signorum graviditatis aestimatione. Goett. 1760. G. G. ROCKSTROH diff. de signis verae graviditatis saepe dubiis. Lipsiae 1781. J. C. SCHIMPFER diff. de signis graviditatis verae et cautelis exinde cognoscibilibus. Basileae 1750. H. J. P. LANGGUTH diff. de signis virginittatis et graviditatis. Lipsiae 1777. J. W. WEDEL diff. de notis Gravidarum. Jenae 1709.



## §. 10.

Duobus signis propriam dignoscunt mulieres graviditatem Imo *Mensium defectu*, IIdo *Infantis primo motu*. Haec in expertis et bene observantibus feminis interdum vera, et quoad tempus graviditatis, certa evadunt signa. Inexpertas autem, vel sensus hebetudine praeditas, saepissime fallunt. Medicus igitur, qui unice relatione hoc in studio uti potest, semper incertus sit, necesse est.

## §. 11.

Deinde mulieres sunt, quae sub coitu, quem conceptio sequitur, distinctum sensum  
volup-

---

1709. F. S. SCHUIRMANN diff. de signis vitae et mortis in foetu. Coloniae 1779.  
F. W. VOIGTEL fragmenta semiologiae obstetriciae, Halae 1790.

voluptatis cuiusdam percipere dicunt, coitu facto semper definientem, qui certus ipsis futuræ graviditatis index sit. Eiusmodi signum probabile habetur, peculiaris quidam voluptatis sensus in utroque sexu, ad extasim accedens, qui in feminis maior esse solet, atque genitalibus turgescantibus, utriusque cum partibus annexis rigore, quin animo lingui quædam feminae solent. In viro autem gratior perceptio, vim feminis foecundi maiorem innuit. Fallere tamen hoc signum uti reliqua, potest, ob coniugum ignorantiam et quarundam feminarum sensationis hebetudinem: quin sine facta conceptione ista feminae quandoque sentiunt.

#### §. 12.

Alia probabilia signa desumuntur ex sensationis post coitum facta alteratione, eiusmodi signa,

signa, etsi multa a medicis referuntur, maximam  
tamen partem minus tuta, vel omni exceptione  
saltim haud maiora sunt. Ea referunt semen  
retentum, incredibilem voluptatis sensum in  
utroque sexu c) dolorem in femina, et quasi  
convulsionem circa umbilicum in aetatem et  
calorem vagum abdominis, qui è vestigio coi-  
tum sequitur, horror et frigus, anxietas et  
moeror, denique orificium utcumque clausum.  
Post haec oriuntur nausea, Vomituritio, ar-  
dor ventriculi, appetitus aut nullus, aut de-  
pravatus l. malacia, facilis animi excandescen-  
tia, tristitia, virique fastidium, insolita artuum  
lassitudo et gravitas; pigritia, crebra dor-  
miendi cupiditas, animique deliquia, oculi  
pro-

---

c) A. v. HALLER elementa physiol. T. VII:  
p. 76.

profundi, retracti, lividi, languidi, illacrymantes Pustularum faciei eruptio; menstruum suppressio, indeque oriunda sanguinis redundantia, dolor capitis dentium et lumborum perinignis, vertigo, Coloris naturalis in sublividum mutatio, mammarum intumescencia, inflatio et calor lividus, striatus lymphae lacteae fluor. Orificium descendens iterumque ascendens, denique post tertium mensem ventris tumor, infantis motus, praeceteris orificii vterini tactio et rima eius per se transversa, iam circularis *d*).

§. 13.

*d*) DIETZ Praeside ROEDERER l. c. STEIN l. c. §. 131. seq. ROEDERER elem. art. obst. §. 143. GRUNER Semiol. phys. et pathol. gener. pag. 429. seq.

## §. 13.

Signa certa propria, physica, pathognomonica dicuntur quae omnibus in feminis indubitandae graviditatis indicia sunt, prouti Embryonis motus, et denique capitis perceptio digiti explorantis ope. Inquirendum ergo est; num haecce signa graviditatis sic dicta pathognomonica in qualibet gravida certo atque determinato temporis graviditatis spatio, apparere necesse sit, num vero è contrario in hoc vel illo subiecto mutationes, à statu naturali abhorrentes, dentur?

## §. 14.

Conceptione facta, sequentia nascuntur symptomata, graviditatem denotantia.

## I. Novus Stimulus.

B 2

II.

- 
- II. Cessatio Mensium.
  - III. Incrementum vteri.
  - IV. Mammarum intumescencia.
  - V. Motus Embryonis.
  - VI. Prominentia Umbilici.
  - VII. Portio vaginalis.
  - VIII. Pila.
  - IX. Orificium vteri.

§. 15.

*I. Novus stimulus.*

Interim tamen feminae reperiuntur, quas à novo isto stimulo minime afficiuntur, nec prius corporis mutationes sentiunt, quam Menstrua cessant. Aliae vero statim primis à conceptione diebus, adeo à nova ista mutatione .

tionem patiuntur, ut miserrime aegrotent. Quamlibet et aliae causae adesse possunt, quae eosdem producere valent morbos: utque adeo ex his morbosus affectionibus desumpta signa non nisi probabilia sint, atque in illis solis certitudinem pariant, quae ex crebro repetita observatione didicerunt; quam quidem nonnullae ita callent, ut ex quibusvis levioribus quandoque, quin rarioribus, mutationibus certa conceptionis factae signa petere norint.

Quae vero non gravidae hystericae solent esse atque valetudine infirma laborare, conceptione facta, saepissime melius sese habent. Ita pallentes feminae à conceptione rubent, et vicissim rubentes pallent.

## §. 17.

*II. Cessatio Menstrui.*

Menstruorum periodi fallaciis non carent. Dum sua periodo lunae tributum solvitur, cogitare de facta conceptione feminae non solent sed initium eo referunt, quo uterus, alias expurgandus sanguine clausus, siccusque manet. Concipere autem feminas non ipsa, menstrui fluxus, unus cessantis, periodo sed vacuo et binis periodis interposito spatio, quod tres saltem hebdomades aequat, ultro liquet: quare unam alteramve quin tres quandoque Hebdomades addere isti calculo debemus, verum terminum determinaturi. Saepius porro evenire solet, ut, conceperit licet foemina, sanguinis tamen purgatio aliquoties recurrat. Ita praematurus partus habebitur, qui suam explevit periodum. Lex est natura conformis, ut una circiter



citer atque dimidia hebdomade post foecundum coitum, vnica adhuc subsequatur menstruatio, initium graviditatis denotans. Sequentibus dignoscitur characteribus:

- a. Plerumque menstruatio citius apparet, quam illam femina expectabat e).
- b. Semper fere copiosior est.

Ab ea ad partum usque 39. ad 40 hebdomades praetereunt.

§. 18.

In statu praeternaturaliter aberrante, calculo errores possumus committere; defectus ergo mensium solus, nobis haud tuto certam subsequents partus periodum indicat, quum e contrario feminae reperiantur, quae non nisi gravidae

---

e) STEIN l. c. §. 214.

vidae, menstrua sua periodice habeant, eaque in Plethoricis per universum gestationis tempus cum euphoria fluere posse, ita tamen et sensim copia diminuantur *f*), ideoque opinio Hippocr. *g*) erronea est, qui foetum, si in praegnan- te purgationes menstruae cursum suum teneant bene valere omnino non posse asserit; potius aliquae catameniis suppressis vexatae, praeter morem vulgarem tunc demum, neque prius, hunc fluxum experiuntur, cum fuerint impraegnatae; quare nec ex mens- truis cessantibus ullum certum factae con- ceptionis praesagium deduci, nec ex iisdem con-

---

*f*) v. DEVENTER in oper. chirurg. Part. I.  
cap. 15. p. 54.

*g*) v. ei. Aphor. 60. sect. edit. Lister,

consistentibus impraegnatio certe negari poterit g).

### §. 19.

Nonnunquam fluxus menstruus per medium graviditatis pergens, plures adhuc absolvit periodos. .e. c. mulier fit impraegnata, suamque copiosorem menstruationem sub initio graviditatis experta, sub fine etiam primi atque secundi mensis, menstruis laborat; nunc autem cessant menses. Si hoc in casu ab ultima menstruatione calculum ducimus respectu graviditatis octo hebdomadum spatio fallimur. — Haece graviditatis menstruatō quodammodo dignoscitur.

a. Post

---

g) DE LA MOTTE lib. I. cap. 9. obs. 26. p. 56; Obs. 24. p. 53. Ephem. Nat. Cur. Cent. VI. Obs. 75. p. 335.

- a) Post copiosam plerumque minus iusto tempore (extra periodum) menstruationem, iterum menstrua fluere, gradatim quod attinet sanguinem fluentem decrescere ac ad summum septimum ad menssem usque continuare *h*).
- b) Sanguis excretus clarior fit.
- c) Sanguinis duorum aut trium dierum spatium effluxus intervallis alternat nimis longioribus.
- d) Plerumque evenit ut symptomatibus spasticis, tenesmis connexa, existant menstrua.

§. 20.

---

*h*) v. cl. STEINL. c. §. 211. Mauriceau T. I, p. 155. ad septimum usque mensem. DE LA MOTTE Lib. I. Cap. 9. Obs. 25. p. 55. ad septimum usque mensem.

## §. 20.

In quibusdam feminis sanguinis effluxus post dimidiam graviditatem ad ipsum usque partum perdurat, et feminae ultima carent menstruatione. Quaelibet purgatio sanguinis minus copiosior est, quam antecedens. Nunc vero semper copiosior et doloris specie coniuncta est. Intervalla ab una ad alteram periodum breviora fiunt, et sanguinis effluentis copia augetur. Hocce in casu placenta est praevia *i*).

## §. 21.

Itaque fieri posse, ex praecedentibus sole meridiano clarius patet, alium mensium fluxum

---

*i*) vid. cl. STEIN l. c. §. 212.

xum, alium sequi, ac per omne graviditatis tempus illum mulieri sic accidere posse, ut ad ultimos gestationis menses sanguinis effluentis copiae majoris quam initio graviditatis iacturam faciat.

§. 22.

Tempore graviditatis aliis signis determinato, tempus instantis partus circiter computari potest. Quo magis enim placenta segmentum uteri inferius tegit eo maturius foetus, in partum editur. Praevia è contrario omni placenta, partus spatium, sex, septem vel octo hebdomadum tempus antecapit. Si margo illius ad eum usque pelvis prominet, tunc partus duas ad tres usque septimanas tempore iusto est prior.

§. 23.

## §. 23.

Vt clariore luce menti obversetur graviditatis diiudicatio, gravidarum in nostro, quod loret Marburgi instituto, et Argentorati quasdam confeci tabulas, quarum ope stadia diversa quorum intervallo graviditatis Phaenomena sese prodere solent, et maturiores et seriores partus eorumque eventus, praefagiuntur.

Cessatio mensium      Hebdom.

Die XVI. Dec.

. Cessatio mensium	10	
2. Rima orificii vteri ad formam circula- rem inclinavit	12	
3. Vestigium tumoris post et super ossa pubis obscurum	14	
	3	36 12
		40
		28 Hebdom. ad partum usque qui post 27 Hebdom.
		Dis

Die XXVI. mensis Junii subsequatur.

Die II. Maii.	Hebdom.
1. Cessatio Mensium	33
2. Umbilicus profundus, et ab infra prominens - -	34
3. Pila perfecte formata - - -	36
4. Tumor vteri quatuor pollices supra umbilicum - -	34
4	137
	12
	17
	16
- I	4
	34 $\frac{1}{4}$
	40
	5 $\frac{3}{4}$ Hebdom.
	ad partum usque qui 4 $\frac{1}{2}$ Hebdom. die XXVI Mensis Junii subsequatus est.
	I. Cef-



	Hebdom.
1. Cessatio Mensium	24
2. Motus primus embryonis. - -	29
3. Umbilicus superne prominens, - -	32
4. Tumor vteri tres pollices supra umbilicum - - -	30
	<hr/>
	4 115 28 $\frac{3}{4}$
	8 40
	<hr/>
	35 11 $\frac{1}{4}$ ad Par-
	32 tum, qui post
	<hr/>
	- 3 XI. Hebdom.
	3 dies subsequ-
	tus est.

Die XXVII. Maii.		Hebdoma
1.	Cessatio Menſium	34
2.	Motus primus foetus	36
3.	Umbilicus duriusculus atque protrufus - - -	38
4.	Tumor vteri ad tres usque quatuor pollices ab umbilico delapſus - - -	39
5.	Segmentum vteri inferius haemisphaerii inſtar - - -	38
6.	Orificium vteri admodum apertum -	39
		<hr/>
		6 224 37 $\frac{1}{3}$
		18 40
		<hr/>
		- 44 - 2 $\frac{2}{3}$ Hebdom.
		42 ad partum, qui
		<hr/> - 2 duas poſt ſepti-
		manas die X.
		Jun. ſequatur.
		Die

Die XX. Nov. Hebdom.

1. Cessatio Mensium	36 $\frac{1}{2}$
2. Tumor vteri delapsus	38
3. Haemisphaerium	38
4. os vteri quodam- modo apertum -	39
5. Tumendae reliquiae Portionis vaginalis	37
6. Umbilicus summe proensus - -	38

---

6 226 37 Hebdom.

18 40 3 dies.

---

- 46 - 2 Hebdom.

42 3 dies

---

- 4 ad partum, qui  
post VI dies  
die XXVI.  
Nov. incidit.

*III. Incrementum uteri.*

A primo ad tertium mensem uterus profundius in pelvim dilabitur, abdomen magis magisque complanatur. Quarto mense abdomen quidem intumuit, sed durus globus distincte non percipitur, nisi manu abdomini impraegnatae applicata, illi tussis cicatur. Quinto graviditatis mense globus duriusculus ossa pubis atque umbilicum inter observatur, attamen margo superior valde umbilicum versus prominet. Sexto mense superior margo pone umbilicum est, septimo duos pollices umbilicum superat, 8vo tres ad quatuor usque pollices ascendit, 9no umbilicum inter ac scrobiculum cordis umbilicum inter ac scrobiculum cordis, decimo denique mense, margo superior ad distantiam quatuor pollicum ad latitudinem versus umbilicum de-  
abit.

## §. 25.

Octavus mensis facile cum decimo confundi potest, quorum hoc est ciferamen: Tumor nimirum decimo mense supra umbilicum introrsum magis complanatur ac acuminatur. Verum aliorum adhuc signorum ope certiores reddimur.

*Errores committere possumus.*

- a. In tympanitide et hydrope vteri.
- b. In Obstructionibus Mensium, et sanguine vtero collecto propter hymen imperforatum.
- c. Mola, aliisque vteri morbis etc. Sarcomate Scirrho.
- d. Transverso vteri situ.

- 
- e. Nimia quantitate liquoris amnii.
  - f. Gemellis.
  - g. Situ transverso foetus;
  - h. Pelvi male confirmata, ubi delapsus uteri non locum habet.

§. 26.

*IV. Mammarum Intumescencia.*

Earum intumescencia, ac lac in iis, pro certiori à compluribus habetur signo, de quo tamen alii dubitant, cum saepe mensium defectui, suppressioni, uteri hydropi debeat originem. Imo non raro lac in virginum invenitur mammis, ut taceam maribus aliquando lactis contigisse proventum celeberrimus, nec satis laudandus STEIN ait: quam primum menstrua cessarunt, mammae mox futurae foetus

foetus nutritionis apparatus moliuntur. Notabile scilicet capiunt incrementum dum simul eleuantur, ac earundem venae caeruleo colore conspicuae magis efferuntur. Papilla turgens, adspectu quasi inflata crassescit colore naturali (ex albido rubello) obscuriori distincta, et discus papillam ambiens in latiore expansus peripheriam, simili colore notatur, parvis eminentiis, quasi totidem papillulis quarum numerus plerumque ad XV-XVII accedit, tegitur. Dolent aliis (pergit idem excell. auctor) tunc temporis mammae, aliis papillarum fissurae cum acerbissimis doloribus subinde accidunt. Plerumque vero omnibus gravidis termino quodam incerto, ut plurimum circa graviditatis medium tempus, quin ferius, humor quidam tenuis manu exprimi potest. Lympha ista striis lacteis distincta ultimis mensibus maiore copia fecernitur.

tur. Verum enim lac neque in virginibus neque in femina nupta hoc tempore observatur, sed denuum absoluto partu. Non omni dubio tamen hoc signum caret. Siquidam rara licet virginum lactantium exempla legantur, per complures saepe omnes nati- cum, quae infantem dudum ablactarunt, mammae liquore quodam turbido, lacteo profluunt, menstruorum maxime tempore.

### §. 27.

#### *V. Motus Embryonis.*

Vt plurimum ille media in graviditate in XIX - XX. vel XXI Septimana sentitur; hunc reciproce tempus primi Motus infantis vulgo pro dimidia graviditate accipitur. Verum



rum notavit P U Z O S *k*) in non nullis feminis à secundo gestationis mense, sentiri foetum, aliasque esse, quae infantis motum sexto vel septimo demum mense distincte percipiant: ultimum in feminis hydropicis et illis quae cetero tempore crasso, abdomen habent modicè tumens, vel plures foetus sese invicem motu impredientibus, geri observari.

### §. 28.

Alius infantis est motus, qui non ab ipsius actione fit (gall. Ballorement du foetus) sequitur ille vteri varias directiones, mitior-  
que

---

*k*) vid. ci. Traité des Accouchements.  
cl. STEIN l. c. §. 207.

que est foetu vivo, quam mortuo. Interdum distinguitur tertio mense, si vterum quem ex una parte digitus in vagina, ex altera vero manus pubis imposita, fixum tenet, hinc inde movetur.

§. 29.

Fieri potest, ut foetus maturius moveatur, artubus nimirum plus roboris nactis, ut animae voluntati obscurae morem gerant; sed ob nimium liquoris amnii, cui foetus ubique ab uteri parietibus procul innatat, mater morum ac embryonis pulsationem sentire nequit. Tum primum infantis motus parietes uteri versus animadvertuntur, si liquoris amnii copia ad foetum magis aequalis ac postremo minor fieri, incipit; femina tunc temporis, noctu in situ dorsali motum infantis sentit. —

tit. — Verum enim vero à primo infantis motu in calculo haud difficulter frustrari possumus.

- a. in primiparis, quippe quae eiusmodi motum ac characteristicum illius nunquam senserunt, et itaque spasmos, flatus, qui primis in mensibus contingunt, motum foetus habent, quin itaque duodecima hebdomade motum deprehendisse credunt, id quod plane non fieri potest.
- b. Nimio amnii liquore debilem foetum circumdante, primus motus sero admodum deprehenditur.
- c. Primi motus foetus debilis non semper observari ac animadverti possunt.

## §. 30.

*VI. Prominentia Umbilici.*

Et umbilicus in graviditate mutatur: media in graviditate hunc protenso cavo, complanari, et ex rotundo oblongum fieri Levret posuit. Septimo demum mense planum evadere, cl. STEIN 1) asserit. 8vo mense fuperne protruditur, nono mense infra quoque, decimo tandem mense pisi instar prominet.

*Erratur.*

a. in umbilici vitiosa conformatione, interdum enim fit, vt ab infantia praeternaturali promineat modo, aut foveam non formet.

b. in

---

1) v. l. c. §. 230.

- b. in Omphalocèle, Phylconia, Hydrope, Ascite.
- c. in vteri obliquitate, hic enim umbilicus ferius prominet.
- d. in Gemellis, nimio amnii liquore et vbi uterus maturius maiorem ad altitudinem evehitur, umbilicum itaque maturius protrudit.
- e. in multiparis umbilicus facilius ac menſe ferme prius protruditur; quo plures enim foemina partus ediderit, eo minus hoc in caſu umbilico ac ſigno vti poſſumus.
- f. in nimis ampliore pelvi; hic enim vterus admodum profunde delabitur, ac ſaepius ad graviditatis finem vix umbilicum attingit, plane non valde prominentem deprehendum.

Hac

*Hae sunt, quas signorum institui ob-  
servationes.*

Grav.	Hebdom.	Dies.	
1	13	—	ante partum umbilicus non formabat foveam sed modice pro- minebat.
2	2	—	— — — umbilicus quidem pla- ne prominet verum su- perne magis, quam in- ferne.
3	2	—	— — — duriusculus umbilicus plus superne quam in- ferne prominuit, talis- que ad partum vsque mansit, (fuit Multi- para.)

Gravid.	Hebdom.	Dies.	
4	4	3	ante partum umbilicus superne omnis prominens infra protrudi coepit.
5	2	2	— — — umbilicus omnis protensus (primipara.)
6	9	—	— — — umbilicus magis complanatus.
7	1	3	— — — umbilicus superne totus, inferne ex parte tantum prominens.
8	4	—	— — — superior umbilici tantum pars prominuit.
9	1	—	— — — umbilicus inferne quidem non tamen perfecte sed fere protrusus fuit. (primipara: funis brachio circumplicatus.)
10	5	—	— — — umbilicus superne protrusus (placenta praevia)

## §. 31.

VII. *Portio vaginalis.*

Octavo mense diminuta.

Nono mense tumore adhuc superstitie confumitur.

Decimo primo dimidio tumor etiam evanescit.

*Errores.*

a) in multiparis portio vaginalis maturius in tumorem abit, plerumque ad partum usque remanet.

b) in nimia portionis vaginalis rigiditate primiparae, ea lente magis in tumorem mutatur, qui ad partum instantem usque remanet.

c) Uteri obliquitatibus, effectum plenum in portionem vaginalem impredientibus.

d) in



- d) in placenta praevia.
- e) Si vaginae superior pars rite non extendatur, sed tumorem in segmento inferiori fingat.
- f) in transversis ac obliquis Embryonis positionibus.

§. 32.

VIII. Pila.

Septimo mense illa segmenti inferioris pars portionem vaginalem inter et ossa pubis magis extrorsum rotundatur, pro portionis vaginalis ab ossibus pubis recessu.

Octavo mense demum formatur Pila.

Nono mense iam perfecte est formata.

Decimo mense formam magni in pelvi profunde positi haemisphaerii induit.

*Erra-*

---

*Errata occurrunt.*

- a. Placenta praevia.
- b. Capitis transversa positione; vel ob nimiam liquoris amnii quantitatem capitis in segmentum inferius sero delapsu.
- c. Parte vaginae superiore tumorem in segmento inferiore formante.
- d. Angusta vel dimota pelvi.

Pilae perfecta conformatio a legitimo gradatim subsequente, capitis effectu in segmentum inferius, dependet.

## §. 33.

*IX. Orificium uteri.*

Distinguendum est inter primiparas atque multiparas.

*Primi-*

*Primiparae.*

Orificio vterino externo, exceptis gestationis initio quae acciderunt, ante decimum graviditatis mensem nil ultra mutationis sentitur. Sub eius initium vero rotundus ille tumor exiguus evanescit, omneque vteri segmentum inferius arctius ac globosum, orificium vero plane complanatum,prehenditur *m*). Duae fere hebomades ante partum os vteri aperire sese coepit, tertiaque rotundam induit formam.

*Digres-*

*m*) Et haec omni exceptione non esse maiora vid. cl. L O D E R programma, quo probatur, ex anat. observat. circularem orificii vteri formam, certum ineuntis graviditatis signum non esse. Jenae 1785.

---

*Digressiones.*

- a. in cervicis rigiditate ad partum usque non diminuta.
- b. in rigiditate fundi; vbi cervix maturius diminuitur, orificium vteri vero IV-V. Hebdomades ante partum aperitur.
- c. Embryonis ac vteri obliquus situs.
- d. Placenta praevia.
- e. vaginae tumor in segmento inferiori, quo os vteri serius aperitur.
- f. Stadium praefagiens, longe ante partum incipiens, vbi os vteri maturius aperitur.

*Multiparae.*

Quo saepius mulier peperit, eo imperfectior post partum rima est. Os vteri nonnihil itaque in talibus et extra graviditatem rotundum depre-

deprehendi potest, et in ipso graviditatis statu maturius figuram magis rotundiores induit ac aperitur, ut per omnem fere gestationem apertum sit uteri orificium.

§. 34.

Postquam igitur praecipua symptomata, graviditatem denotantia, brevibus, quam per ingenii nostri tenuitatem potuimus, dilucide proposuimus, videamus iam, quot obstaculis haec signa sint implicita, quamque arduum ac fallax sit, ea de re saepe iudicium, quum nullum certum, nullumque distinctum proprium sibi habeat phaenomenon. Iam Hippocrates aliique hac de re quam maxime dubitarunt, atque ex infallibilibus signis graviditatem posse cognosci, negarunt, cum omnia quae adsunt signa in alios etiam morbos cadere possint. Me-

---

dicus igitur de rebus illis in consilium adhibitus, prudenter et circumspecte agat et cogitet, cum tam varii sint decipiendi modi, tam varia etiam puellarum mulierumque astutia quam detegere ne Oedipus quidem posset. Tuto autem progrediemur, famamque nostram servabimus, si iudicium nostrum, quantum fieri poterit, retinuerimus, vel dubie proposuerimus, ne iudicium festinando nostrum aut risui, aut calumniis hominum exponamus.

T A N T U M.

---

*CANDIDATO DOCTISSIMO**S. D.**E. G. BALDINGER,**PHIL. ET MED. DR.*

---

*Si virum ingenium simul ornant eruditio  
praeclara, singularis industria, et labor ad-  
siduus in discendis litteris, talem Te certe  
nosco ab omni eo tempore, quo innotuisti  
mihi. Non solum hic, sed Argentorati etiam  
collegisti Tibi tantam eruditionis copiam, ut  
• meus ordo Te dignissimum Candidatum bo-  
norum Doctōris censeret. Vehementer laetor,  
quod*

*quod et Tu augeas felicitatem nostram, quae  
in eo quaerenda, quodsi Tibi similes discipu-  
los è Schola nostra dimittere possimus. De  
Tua felicitate nullus dubito. Sis felix, vive  
diu, mihi què in posterum etiam fave!!*

*Scrib. Marburgi die III. Septemb.  
MDCCLXXX.*

---









